

Mezir Tanporer Gouvernman pou Soulaz bann ki saler i pli ba

Kestyon e Repons

Boner an Zilyet, gouvernman ti anons en seri mezir ki annan pour bi ede redwir lenpak sa kriz ogmantasyon dan pri lavi, koze par sa lager ant Ikrenn ek Larisi. I bon note, ki sa ogmantasyon dan pri lavi aköz sa konfli pe afekte lemond antye.

Trwa parmi sa bann mezir, in fini pran lefe:

- i. Sipor saler maximum R500 pour bann ki lapey pa depas R8,500.
- ii. Saler ki ant R8,500 a R9,000, zot sipor saler pour lo en “sliding scale”.
- iii. Sipor adisyonel R300 pour elektrisite.
- iv. Bann ki ganny sa bann benefis swivan avek Lazans Proteksyon Sosyal: Benefis Retret, Benefis Dezabilite, Benefis Envalidite e bann ki travay konman ‘home carer’. La, i enportan pou note ki fodre pa ki ou benefis i depas R9,000. Sa group dimoun pa pou bezwen vin anrezistremman kot Biro Ladministrasyon Distrik, aköz zot deza dan sistenm. Parkont si zot pe rod sa sipor adisyonel R300, pour elektrisite, zot pou bezwen al anrezistremman kot Biro Ladministrasyon Distrik.

Depi sa lanons, bann diferan lazans gouvernman pe travay pou enplimant sa bann mezir, o pli vit ki posib, dan en fason efikas, avek bi pou redwir labi.

Lanrezistremman formel pour travayer dan sekter prive ki dan lanplwa formel pour benefisye avek sa lasistans saler e pour tou dimoun ki kalifye pou ganny sa sipor adisyonel pour elektrisite i konmanse Mardi le 26 Zilyet.

Pour eklersi bann dout ki kapab annan dan sa legzerzis Lanrezistremman, Minister Finans, Planifikasyon Naysonal ek Komers i pibliy serten kestyon e larepons pertinan pou ed manm piblik pou pli byen konpran sa prosesis.

1. Kote mon pou al anrezistremman?

Tou travayer sekter prive ki dan lanplwa formel e tou dimoun ki kalifye pou ganny sipor adisyonel elektrisite pou bezwen al anrezistremman dan Ladministrasyon Distrik.

2. Lekel ki pou fer sa peyman?

Se gouvernman ki pou fer sa peyman, e non pa anplwayer dan sekter prive, sanmenm sa ou pe ganny demande pou al anrezistre dan Biro Ladministrasyon Distrik. Alor anplwayer napa naryen pou kontribye an term resours direk dan sa bann mezir.

3. Eski mon kapab kalifye pour tou le de lasistans?

Wi. Tan ki ou saler le mwan pa depas R9,000, ou kalifye pour toulede lasistans, savedir sa lasistans saler maximum R500 e osi pour sa sipor adisyonel elektrik R300.

4. Ki kriter pour mwan kalifye?

- *Eski Ou en Seselwa ki dan lanplwa formel?*
- *Eski ou ganny en saler anba R9,000?*
- *Eski ou en manm fon pansyon (set a dir ou anplwayer pe tir en porsyon ou saler tou le mwan koman kontribisyon mandatwar Fon Pansyon)?*
- *Eski ou pa pe ganny okenn sipor tanporer pa plis ki R500 atraver serten program ASP?*

Si larepons i wi, pour tou sa bann kestyon, ou kalifye. Selman i osi enportan ki dokiman nesese i ganny evalye e rikorde e se pour sa rezon ki serten kriter adisyonnèl, tel koman annan en kont labank i nesese e Enportan.

5. Eski mon kalifye si mon saler i par lao R9,000?

Non, sa lasistans finansyel tanporer i pour bann ki ganny par anba R9,000 e ki an liny avek bann kriter nesese.

6. Eski mon pou pey “income tax” ouswa kontribye pour fon pansyon lo sa larzan pour sipor tanporer?

Non. I enportan pou note ki gouvènmman pe fer provizyon legal ki nesese pou asire ki sa sipor i ganny peye antyèrman e direktèman avek en aplikan. Sa lasistans pa pou ganny peye koman parti ou saler. Peyman pou fer separeman avek ou saler.

7. Eski si mon travay dan sekter piblik oubyen parastatal mon kalifye?

Wi. Si ou travay dan sekter piblik oubyen parastatal e ou saler pa depas R9,000 ou pou otomatikman ganny sa lasistans. Ou pa pou bezwen fer okenn laplikasyon an vi ki gouvènmman i deza annan tou lenformasyon nesese. Me, si ou kalifye pour sa sipor adisyonnèl R300 sipor bil kouran, ou pou bezwen al anrezistre kot en Biro Ladministrasyon Distrik.

I enportan pou note ki si ou travay dan gouvènmman ouswa parastatal ouswa ou deza pe ganny lasistans tanporer anba ASP pour en lavalè R500, ou pa kalifye.

8. Si mon ‘self-employed’ ouswa dan sekter enformel, ouswa pa kontribye dan fon pansyon, eski mon kalifye?

Non. Si ou dan sekter enformel, oubyen ‘self-employed’ ouswa ou pa kontribye dan fon pansyon ou pa kalifye pour sa lasistans. Si koman en lakour led adisyonnèl i nesese, apros ASP pou diskite sipor ki zot kapab ofer.

9. Si mon saler i R8,995, eski mon kalifye?

Dapre kriter aprouve par gouvènmman, wi ou kalifye. Me akòz bann mezir anplas i se ki pli o nivo ki en saler i kapab ganny aziste i R9,000, savedir sa aplikan i kalifye R5. I enportan pou note ki desizyon pou fer laplikasyon i a diskresyon en endividi. Me Selman, sa aplikan i kalifye pour sa sipor adisyonnèl R300 pour bil kouran.

10. Kan ki peyman pou ganny fer?

Atraver sistenm teknolozi an plas, si i en aplikan i satisfè tou kriter, i ekspekte ganny en “SMS” lo nimerò kin ganny donnen dan prosedir aplikasyon. Me anvi volim demann lo sistenm peyman nasyonal, peyman pou en aplikan i ekspekte ganny fer ant 3 zour avan lafen di mwan ouswa premye zour travay apre komansman mwan ki swiv. Dan le ka kot tranzaksyon pa ganny aprouve, en aplikan i ekspekte ganny enformen par telefòn. Alors i enportan ki en aplikan i donn zis en nimerò telefòn e pa sanz nimerò.

11. Be sa lasistans in pran lefe depi Zilyet, eski mon pou ganny en ‘backpay’?

Wi. Sa mezir in pran lefe depi Zilyet, me gouvènmàn in bezwen pran enpe letan pou etabli son sistenm lanrezistremàn e verifikasyon, alors pou annan en ‘backpay’, pou mwan Zilyet, ennfwa premye peyman anba sa program in konmans.

12. Ki mannyer peyman pou ganny fer?

I enportan ki tou aplikan anba sa program in annan en kont Labank. I pou sa rezon ki ler ou pe vin anrezistremàn, ou pe ganny demande pou anmèn ou kart Labank ki annan tou ou detay lo la. I enportan ki ou anmèn ou kart Idantite/paspor ki valid, e osi ou ‘payslip’ date pa pli boner ki Zen, 2022, pou Lanrezistremàn.

Pour okenn klarifikasyon, en ‘hotline’ in ganny etabli. Aparti ozordi manm piblik i kapab **telefòn nimerò ‘190’** pour okenn lasistans. Sa nimerò pou operasyonel ant 9er bomaten a 6er diswar ant Lendi a Vandredi.

En ladres ‘email’ spesyal TGMSenquiries@gov.sc pe osi fonksyonnen, pour manm piblik rod lenformasyon lo sa program.

Kontribye par Minister Finans, Planifikasyon Nasyonal ek Komers